



Adresa: **Ul. Hamdije Čemerlića 39a**  
71000 Sarajevo  
<http://www.voda.ba>

tel. +387 33 726 400; 726 412  
fax: +387 33 726 423  
e-mail: [info@voda.ba](mailto:info@voda.ba)

Broj: **UP-1/21-2-40-502-5/23**  
Datum: **21.02.2024. godine**

«Agencija za vodno područje rijeke Save» Sarajevo rješavajući po zahtjevu pravnog lica „PERVAN BAU“ d.o.o. Žepče u postupku izdavanja vodne saglasnosti za aktivnost vađenje materijala iz korita rijeke Bosne na lokalitetu „Lupoglav“, općina Žepče, na osnovu člana 139. stav (1) tačka 6. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 49/99 i 61/22) **donosi**

### **RJEŠENJE** **o vodnoj saglasnosti**

1. Pravnom licu, „PERVAN BAU“ d.o.o. Žepče, daje se vodna saglasnost za aktivnost vađenje materijala iz rijeke Bosne prema tehničkoj dokumentaciji:  
»Elaborat vađenja materijala iz korita rijeke Bosne na lokalitetu Lupoglav – općina Žepče«, urađen od strane „Es Hydrotechnics“ d.o.o. Sarajevo, novembar 2023. godine.  
a u cilju ostvarivanja prava na vađenje materijala, u približnoj količini od 4120 m<sup>3</sup>, na dijelu zemljišnih čestica označenih kao k.č. 412/1 K.O. Lupoglav (stari premjer), na prostoru općine Žepče, dodijeljenog Ugovorom broj: 30-1098-23/23 od 20.10.2023. godine i aneksom Ugovora broj: 30-65-5/24 od 30.01.2024. godine.
2. Vodna saglasnost izdaje se na određeno vrijeme i prestaje važiti 31.07.2024. godine, a sve u skladu sa članom 2. Aneksa Ugovora broj 30-65-5/24 od 30.01.2024. godine, zaključenog između AVP „Sava“ i pravnog lica „PERVAN BAU“ d.o.o. Žepče.
3. Ova vodna saglasnost se odnosi isključivo na aktivnosti obrađene kroz elaborat naveden u tački 1. Rješenja.
4. Vodna saglasnost se donosi na osnovu utvrđenog činjeničnog stanja i dostavljene tehničke dokumentacije iz tačke 1. ovog dispozitiva, a koja čini sastavni dio ovog Rješenja i ista se, ovjerena u skladu sa odredbama člana 114. stav (3) Zakona o vodama od strane ove Agencije, vraća podnosiocu zahtjeva na trajno čuvanje.
5. Vodna saglasnost se daje pod slijedećim uslovima koje treba ispuniti u toku i nakon izvođenja radova na predmetnom lokalitetu:
  - 5.1. Da se uklanjanje materijala iz korita rijeke Bosne, lokalitet „Lupoglav“ vrši u svemu prema ovjerenom Elaboratu iz tačke 1. ovog dispozitiva, uslovima iz ove vodne saglasnosti i odredbama Ugovora, broj: 30-1098-23/23 od 20.10.2023. godine i i aneksa Ugovora broj: 30-65-5/24 od 30.01.2024. godine, sklopljenim sa AVP Sava.
  - 5.2. Tačke početnog snimanja održavati u ispravnom stanju sve do izrade završnog elaborata i konačnog obračuna bilansa izvađenog materijala, a za što je odgovoran izvođač radova i nadzorni organ imenovan od strane AVP „Sava“.
  - 5.3. Ukupna količina materijala (cca 4120 m<sup>3</sup>), koja je obuhvaćena ovom vodnom saglasnošću, mora obavezno da se izvadi do 31.07.2024. godine.
  - 5.4. Korisnik je dužan da uredno vodi dnevnik rada sa tačno definisanim lokalitetom iskopa, dubini iskopa, izvađenim dnevnim količinama i svim ostalim podacima koji se uobičajeno vode kod ovakve vrste radova.
  - 5.5. Korisnik je obavezan u roku od 15 dana od dana prijema ovog vodnog akta dostaviti vremenski plan vršenja radova na vađenju materijala u skladu sa tačkom 3.1. Rješenja o prethodnoj vodnoj saglasnosti UP-1/21-1-40-334-3/23 od 17.08.2023. godine, a o datumu početka radova pismeno obavijestiti ugovorni organ radi uvođenja u ugovorene radove, a sve u skladu sa članom 12. Uredbe o načinu dodjele prava za vađenje materijala iz vodotoka («Službene novine Federacije BiH», broj 58/15).
  - 5.6. Prilikom izvođenja radova treba koristiti opremu i mašine koje su tehnički ispravne, bez curenja tečnih goriva, maziva, hidrauličkih ulja i sl., a građevinsku mehanizaciju, skladište tečnih goriva i maziva smjestiti izvan nivoa velikih voda rijeke Bosne.

- 5.7. Predvidjeti da se sav nastali otpad prikuplja i zbrinjava izvan površina obuhvaćenih uticajem velikih voda rijeke Bosne, a u skladu sa važećim propisima o postupanju sa otpadom.
- 5.8. Izvođač radova je obavezan svakodnevno voditi evidenciju vađenja materijala sa tačnim količinama izvađenog materijala, a na obrascu građevinskog dnevnika u skladu sa Uredbom o uređenju gradilišta, obaveznoj dokumentaciji na gradilištu i učesnicima u građenju („Službene novine FBiH“, broj 99/14).
- 5.9. Namjeravano vađenje materijala se treba vršiti u skladu sa članom 63. Zakona o vodama („Službene novine Federacije BiH“, broj 70/06) vodeći računa o načinu izvođenja radova i periodu mriještenja ribe, i u skladu sa saglasnosti broj: 06/10/23 izdatoj 05.10.2023. godine od strane UGRS „Bosna-Žepče“.
- 5.10. Korisnik vodne saglasnosti je u obavezi da obezbijedi stručno lice geodetske struke sa osnovnim zadatkom kontinuiranog praćenja tačnosti kota i geometrije korita na terenu prilikom izvođenja radova u odnosu na podatke date u projektu, kao i količina koje se u toku dana izvade.
- 5.11. Zagate, napere i pomoćne objekte i zahvate u koritu koji prilikom vađenja materijala iz korita služe za lakše izvođenje određenih radova, izvesti na način da isti što manje ugrožavaju proticajni profil rijeke Bosne, a nakon završetka radova iste je potrebno ukloniti i korito, obale i okolni teren dovesti u prvobitno stanje. Zabranjeno je deponovanje materijala (privremeno i trajno) na mjestu vađenja, te je isti nakon kratkog procjeđivanja potrebno odvoziti na planiranu deponiju izvan inundacionog pojasa (plavnog područja).
- 5.12. Eventualno zadržavanje materijala izvađenog u toku jednog dana, može trajati maksimalno 24 sata a u svrhu procjeđivanja i organizacije transporta ka planiranoj deponiji na dijelu parcele označene kao k.č. 291 K.O. Lupoglav (stari premjer), u skladu sa Ugovorom o zakupu. Nakon završetka radova na mjestu izvođenja radova i u inundacionom pojasu obavezno očistiti i poravnati teren, na način da se isti uklopi u prirodno stanje.
- 5.13. Materijal iz korita koji nema upotrebnu vrijednost (mulj, jalovina, rastinje, krupno kamenje, zemlja i sl.) a koji se u postupku vađenja materijala u cilju obezbjeđenja proticajnog profila uklanjanja, potrebno je propisno zbrinuti izvan inundacionog pojasa rijeke Bosne.
- 5.14. U toku izvođenja radova na vađenju materijala izvođač radova je dužan održavati u ispravnom stanju pristupnu saobraćajnicu prema zahtjevima nadležne službe Grada/ Općine / Kantona i nakon završetka radova obavezan je da teren i korištenu pristupnu saobraćajnicu dovede u prvobitno stanje, sve prema uslovima koje propiše nadležna gradska služba.
- 5.15. Po završetku vađenja materijala, isteka vodne saglasnosti ili raskida Ugovora, korisnik vodne saglasnosti je dužan uraditi kontrolni elaborat izvađenih količina materijala iz korita, tj. izvršiti kontrolno geodetsko snimanje poprečnih profila u skladu sa izdanom vodnom saglasnosti, a dokumentaciju o izvršenom kontrolnom snimanju sa bilansom masa se dostavlja AVP Sava kao ugovornom organu, u pisanom obliku i na magnetnom mediju.
- 5.16. Vađenje materijala vršiti isključivo prema snimljenom uzdužnom i poprečnim profilima počevši od nizvodnog profila i gurajući materijal u trakama, odgovarajućom mehanizacijom, buldozerom ili bagerom – rovokopačem.
- 5.17. Transport i manipulacija se vrši samo sa prethodno prirodno ocijeđenim materijalom zbog mogućnosti prljanja i kvašenja saobraćajnice na koji se navedeni lokalitet priključuje.
6. Korisnik vodne saglasnosti dužan je dostaviti «Agenciji za vodno područje rijeke Save» Sarajevo mjesečni izvještaj - popunjen i ovjeren obrazac «IMV» o izvađenim količinama materijala, a plaćanje posebne vodne naknade u visini od 1,60 KM po 1 m<sup>3</sup> za izvađene količine materijala izvršiti na način definisan članom 4. Ugovora broj: 30-1098-23/23 od 20.10.2023. godine sklopljenog sa AVP Sava.
7. Materijal izvađen po osnovu ove vodne saglasnosti i Ugovora sklopljenog između AVP „Sava“ i „PERVAN BAU“ d.o.o. Žepče, broj 30-1098-23/23 od 20.10.2023. godine, a za koji je od strane izvođača izvršeno plaćanje naknade iz člana 4. navedenog Ugovora, postaje vlasništvo izvođača radova.
8. Ukoliko se prije početka kao i u toku provođenja aktivnosti na vađenju materijala iz rijeke Bosne na lokalitetu „Lupoglav“ utvrdi da nije moguće realizirati planirane aktivnosti zbog pristupne saobraćajnice do lokaliteta vađenja materijala, Izvođač radova dužan je riješiti imovinsko-pravne odnose sa vlasnikom i posjednicima zemljišta na zemljišnim česticama u roku koji mu propiše AVP „Sava“ ili u suprotnom gubi pravo na vađenje materijala dodjeljeno ovim vodnim aktom.
9. Ova vodna saglasnost, ovjeren Elaborat iz tačke 1. ovog rješenja i Ugovor o vađenju materijala, sklopljen sa ovom Agencijom, moraju se nalaziti na mjestu izvođenja radova, a za što je odgovorno ovlašteno lice izvođača radova.

10. Ukoliko se, kao posljedica radova, ošteti korito i obale rijeke Bosne, u zoni izvođenja radova, ili nanesu štete trećim licima, sva oštećenja se moraju sanirati i štete nadoknaditi o vlastitom trošku izvođača radova.
11. U slučaju vanrednih situacija, havarijskih onečišćenja i drugih sličnih okolnosti koje bi ugrozile kvalitetu voda, obavezno izvjestiti nadležne organe i postupati po nalogu mjerodavnih institucija te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
12. Korisnik prava iz ove vodne saglasnosti nema pravo na naknadu eventualnih šteta prouzrokovanih plavljenjem i iste padaju na njegov teret.
13. Prava stečena po ovoj vodnoj saglasnosti ne mogu se prenositi na treća lica, a ista prestaju u skladu sa odredbama Zakona o vodama.

### Obrazloženje

Pravno lice, „PERVAN BAU“ d.o.o. Žepče, pismenim zahtjevom, se obratilo ovoj Agenciji tražeći izdavanje vodne saglasnosti za aktivnost vađenje materijala iz rijeke Bosne prema Elaboratu vađenja materijala iz korita rijeke Bosne na lokalitetu Lupoglav – općina Žepče, urađen od strane „Es Hydrotechnics“ d.o.o. Sarajevo, novembar 2023. godine, a u cilju ostvarivanja prava za vađenje materijala, na dijelu zemljišnih čestica označenih kao k.č. 412/1 K.O. Lupoglav (stari premjer), na prostoru općine Žepče, dodijeljenog Ugovorom broj: 30-1098-23/23 od 20.10.2023. godine i aneksom Ugovora broj: 30-65-5/24 od 30.01.2024. godine.

U prilogu zahtjeva podnosilac je dostavio slijedeću dokumentaciju:

- Ovjerena kopija Rješenja o registraciji broj: 043-0-Reg-21-000427 od 25.02.2021. g., općinski Sud u Zenici;
- Ovjerena kopija Obavještenja o razvrstavanju pravnog lica broj: 07-32.5-9889/21 od 09.07.2021. g., Služba za statistiku Zeničko-dobojskog kantona;
- Ovjerena kopija uvjerenja o registraciji poreznog obveznika od 06.07.2021. godine, Kantonalni porezni ured Zenica;
- Odluka o izboru najpovoljnijeg ponuđača za LOT 7, broj: 30-1098-17/23 od 11.10.2023. godine, AVP Sava Sarajevo;
- Kopija katastarskog plana M 1:2500 od 13.12.2023. godine i izvod iz posjedovnog lista broj 563 za parcelu na kojoj je predviđeno deponovanje izvađenog materijala, k.č. 291 K.O. Lupoglav;
- Ugovor o zakupu zemljišta zaključen 17.10.2023. godine između ugovornih strana Zdenko Šumić i Pervan Bau d.o.o. Žepče za potrebe odlagališta izvađenog materijala (član 3. Ugovora);
- Izjava o riješenim imovinsko-pravnim odnosima na trasi pristupnog puta i lokaciji predviđenoj za deponovanje materijala broj: I02/24 od 15.02.2024. godine;
- Saglasnost UGSR „Bosna-Žepče“, broj: 06/10/23 od 26.10.2023. godine;
- Ugovor o vađenju materijala iz vodotoka rijeke Bosne, na lokalitetu Lupoglav, općina Žepče, zaključen između AVP „Sava“ i pravnog lica „PERVAN BAU“ d.o.o. Žepče, broj: Ugovora broj: 30-1098-23/23 od 20.10.2023. godine;
- Aneksa Ugovora broj 30-65-5/24 od 30.01.2024. godine, zaključenog između AVP „Sava“ i pravnog lica „PERVAN BAU“ d.o.o. Žepče, kojim je definiran novi rok završetka radova na vađenju materijala iz rijeke Bosne na lokalitetu „Lupoglav“.
- Elaborat vađenja materijala iz korita rijeke Bosne na lokalitetu Lupoglav – općina Žepče, urađen od strane „Es Hydrotechnics“ d.o.o. Sarajevo, novembar 2023. godine (dva primjerka);
- Kopija Rješenja o prethodnoj vodnoj saglasnosti UP-1/21-1-40-334-3/23 od 17.08.2023. godine;
- Dokaz o uplati upravne takse u iznosu od 60,00 KM.

Uvidom u dostavljenu dokumentaciju utvrđeno je da ovaj organ nije mogao postupiti po podnesenom zahtjevu, obzirom da dostavljeni Elaborat nije urađen u skladu sa uslovima iz prethodne vodne saglasnosti, broj: UP-1/21-1-40-334-3/23 od 17.08.2023. godine. Dopisom broj: UP-1/21-2-40-502-2/23 od 22.11.2022. godine zatraženo je od podnosioca zahtjeva da dokumentaciju upotpuni u roku od 20 dana od dana prijema dopisa. Dana 12.01.2024. godine dostavljena je tražena dopuna podneska – usklađeni Elaborat.

U dokaznom postupku utvrđeno je da je dostavljeni Elaborat urađen u skladu sa uslovima iz prethodne vodne saglasnosti, broj: UP-1/21-1-40-334-3/23 od 17.08.2023. godine izdate od strane Agencije za vodno područje rijeke Save, Sarajevo.



U narednom tekstu su pobrojane tačke u kojima su propisani uslovi u navedenoj PVS-a i konstatacije vezane za ispunjenje istih:

**Tačka 3.1:** Za potrebe izrade ovog Elaborata urađen je:

- geodetski snimak aktuelnog stanja na lokalitetu „Lupoglav - sa prikazom i rasporedom materijala koji se uklanja;
- grafičkim priložima sa poprečnim profilima od P1 do P5 u mjerilu M 1:200, urađenim na prosječnom rastojanju oko 40m, uzdužnim profilom M1:100/1000 i situacijom M 1:1000;
- radovi bi se vršili korištenjem standardne mehanizacije i na uobičajeni način tako što bi se u trakama uklanjao materijal iz korita vodotoka;
- dinamički plan realizacije aktivnosti proizilazi iz člana 2. Aneksa Ugovora broj 30-65-5/24 od 30.01.2024. godine, tj do 31.07.2024. godine;
- prezentiran je tabelarni proračun količina materijala koji se planira izvaditi.

**Tačka 3.2:** Priložena je Saglasnost za čišćenje riječnog materijala iz vodotoka rijeke Bosne na lokalitetu Lupoglav, izdato od strane UGSR „Bosna-Žepče“, broj: 06/10/23 od 26.10.2023. godine.

**Tačka 3.3:** Priložene su izjave o riješenim imovinsko pravnim odnosima na trasi pristupnog puta od lokacije vađenja materijala iz vodotoka i do lokacije za deponovanje kao i na samoj lokaciji za deponovanje izvađenog materijala.

Na osnovu utvrđenog činjeničnog stanja i dostavljene dokumentacije ovim aktom su, tačkama 4. i 5. dispozitiva rješenja, shodno odredbama člana 114. Zakona o vodama i člana 7. i 10. Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH» broj 31/15, 55/19, 41/20 i 63/22) i Uredbe o načinu dodjele prava za vađenje materijala iz vodotoka, propisani uslovi koje je potrebno ispuniti prilikom izvođenja predmetnih radova.

**NAPOMENA:** Aktivnost vađenja materijala je proistekla kao obaveza nadležnih organa za upravljanje vodama propisana članom 81. Zakona o vodama i odnosi se na održavanje vodotoka i vodnog dobra i ne provodi u cilju formiranja šljunkara i eksploatacionih polja za iskop pijeska i šljunka. Podnosilac zahtjeva je uplatio upravnu taksu u iznosu 60,00 KM u skladu sa članom 7. stav 1. Tarifni broj 43. Zakona o federalnim upravnim taksama („Sl.novine FBiH“ broj: 6/98, 9/08, 45/10 i 43/13).

#### **Uputa o pravnom lijeku:**

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema rješenja. Žalba se predaje ovom organu neposredno ili preporučeno poštom. Žalba se taksira sa 15 KM administrativne takse. Žalba se podnosi neposredno pismeno ili preporučeno putem pošte ovom organu i taksira se 15 KM takse, prema tarifnom broju 3. Tarife federalnih administrativnih taksi.

Voditelj postupka

Nihad Pezo, dipl.inž.građ.

*Prilog:*

**Ovjeren 1x:** Elaborat vađenja materijala iz korita rijeke Bosne na lokalitetu Lupoglav – općina Žepče«, urađen od strane „Es Hydrotechnics“ d.o.o. Sarajevo, novembar 2023. godine.

Po ovlaštenju

Rukovodilac sektora za izdavanje  
vodnih akata

*Haris Ališehović*  
Haris Ališehović, dipl.inž.građ.

Dostaviti:

- „PERVAN BAU“ d.o.o. Žepče, ul. Ponijevo bb, Žepče (Prilog)
- ⊙ ISV - vodna knjiga
- AVP Sava – Sektor 50
- AVP Sava – Sektor 30
- Oglasna ploča AVP Sava
- Arhiva-ovdje